

拙非令薄當靜泉淳遇躁風驚起軒樞以曠跨伏累氣而併形故身不豫託地無前期動靜就觀於物消息各隨乎時從方而應何慮何思

贊晉郭璞尺蠖贊曰貴有可賤賤有可珍嗟茲尺蠖體此屈伸論配龍蛇見歎聖人

○蟻藝文類聚

爾雅曰螾打螳赤駁蠶飛蟻有翅其子蚍蟻蟻卵禮記

曰暇脩蚍醢 大戴禮曰十二月玄駒賁玄駒者蟻也賁者走於地中也 焦贛易林曰震之蹇蟻封穴戶大雨將集 又曰蚍蟻戴口留不上山却推蹶頓

乃傷其顏 管子曰桓公北征孤竹無水隰朋曰蟻

冬居山之陽夏居山之陰蟻壤守而有水乃掘遂得

水 抱朴子曰蟻有兼弱之智 符子曰東海有鼇

焉冠蓬萊而遊於滄海騰躍而上則干雲沒而下潛

於重泉有紅蟻者聞而悅與羣蟻相要乎海畔欲觀

鼇之行月餘未出羣作也數日風止海中隱淪如岳

其高槩天或游而西羣蟻曰彼之冠山何異乎我之

戴粒也逍遙乎壤封之巔歸服乎窟穴之下此乃物

我之適自已而然我何用數百里勞形而觀之乎

吳錄曰九真移風縣有土赤如膠人視土知蟻因墾

以木枝其中則蟻緣而生漆堅凝如螳螂子蟬蛸折漆以染堅凝絮其色正赤所謂赤絮則此膠也 廣志曰有飛蟻有木蟻古曰玄駒者也又有黑黃大小數種 周髀家云天圓如張蓋地方如碁局天旁轉如推磨而左行日月右行隨天右轉故日月實東行而天牽之以西沒譬之於蟻行磨之上磨左旋而蟻右去磨疾而蟻遲故不得不隨磨左廻焉 山海經曰朱蟻其狀如蟻蟻蚍蟻也在崑崙墟 齊諧記曰當陽董昭之嘗乘船過錢塘江中央見有一蟻著一短蘆走一頭廻復向一頭甚遲遽昭之曰此畏死也欲取

著船船中人罵此是毒螫物不可長我當踰殺之昭意甚憐此蟻中夜夢一人烏衣從百許人來謝云僕不慎墮江慙君濟活僕是蟲王君若有急難之日當見告語後昭之遇事繫獄蟻領羣蟻穴獄昭遂得免 博物志曰蟻知將雨 異苑曰桓謙字敬祖太元中忽有人皆長寸餘悉被鎧持槊乘其裝馬從岳中出精光耀日遊走宅上數百爲羣部障指麾更相撞刺馬旣快人亦便能緣機登竈尋飲食之所或有切害輒來聚力所遽還入穴蔣山道士朱應子令作沸湯澆所入處寂不復出因掘之有斛許大蟻死在窟

中謙後誅滅

賦 晉郭璞虬蟉賦曰惟洪陶之萬殊賦羣形而遍灑物莫微於昆蟲屬莫賤乎螻蟻淫淫奕奕交錯往來行無遺迹驚不動埃迅雷震而不駭激風發而不動虎賁比而不懼龍劔揮而不恐乃吞舟而是制無小大與輕重因無心以致力果有象乎大勇出竒膠於九真流赧液其如血飾人士之喪具在四隅而交結濟齊國之窮師由東山之高垓感萌陽以潛出將知水而封穴伊斯螽之愚昧乃先識而似慙

○蜘蛛 藝文類聚

爾雅曰蜘蛛蛛蝥 北燕謂之毒蝥齊人呼杜公江東呼蝥蝥 又曰蠚蝟

長崎 小蜘蛛長脚者俗呼喜子 又曰土蜘蛛 在于地中布網者 草蜘蛛

絡幕草上 毛詩曰蠚蝟在戶 即長崎也 焦貢易林未濟之

蠹曰蜘蛛作網以伺行旅青蠅囓聚觸我羅域為網所得死於網國 又井之遯曰蜘蛛南北巡行網罟

符子曰公子重耳奔齊與五臣遊乎大澤之中見蜘蛛而網曳繩執豸而食之公子重耳乃撫僕之手駐駟而觀之顧其臣咎犯曰此蟲也知之德薄矣而猶役其智布其網曳其繩執豸以食之况乎人之智而不能廓垂天之網布絡地之繩以供方丈之御是

曾不如蜘蛛之智孰不可謂之人乎咎犯曰公子慎勿言也君終行之則有邦有嗣也 異苑曰陳都殷家養子名琅與一婢結好經年婢死後猶來往不絕心患悞錯其母深察焉後夕見大蜘蛛緣牀就琅便宴爾怡悅母取而殺之琅性理遂懈 廣志曰草蜘蛛在草上色青土蜘蛛在地上春行草間秋系在草有在器下有以絲於籬壁間緣壁捕蠅者長脚在壁屋為絡者

賦 晉成公綏蜘蛛賦曰獨星懸於浮處遂設網于四隅南連大廡北接華堂左馮廣厦右依高廊吐絲屬

絡布網引綱織羅絡莫綺錯交張於是蒼蚊夕起青蠅昏歸營營羣衆薨薨亂飛挂翼繞足鞞絲置圍衝突必獲犯者無遺

○螳螂 藝文類聚

爾雅曰不過螳螂也其子螳蛸 一名螳螂卵也 莫貉螳螂

有斧也 方言曰螳螂謂之髦或謂之虻或謂之蚌

蚌 廣雅曰芊芊齧肱螳螂也 禮記曰仲夏之月

螳螂生 禮記鄭注曰螳螂螳蛸母也王瓚問曰爾

雅云莫貉螳螂同類物也今沛魯以南謂之螳螂三

河之域謂之螳螂燕趙之際謂之食耽齊濟以東謂

之馬斂然多名其子則同云螬蛸是以注云螬蛸螬蛸
 蛸母也 韓詩外傳曰齊莊公出獵有螬蛸舉足將
 搏其輪問御曰此何蟲對曰此螬蛸也為蟲知進而
 不量力而輕就敵公曰此為天下勇蟲矣迴車避之
 勇士歸之焉 莊子曰螬蛸怒臂以拒車轍不知不
 勝任也是才之美者也 又曰莊周遊雕陵之樊睹
 一異鵲自南方來者翼廣七尺目大運寸感周之類
 而集於栗林也感觸 周曰此何鳥哉翼殷不遊殷曲目
 大不覩不見 寒裳躩步疾行 執彈而留之睹一蟬方
 得美蔭而忘其身螬蛸執翳且將捕之見得而忘其

形異鵲從而利之見利而忘其真莊周怵然曰物固
 相累二類相召也捐彈而反走虞人逐而誅之

賦 晉成公綏螬蛸賦曰仰乃茂陰俯緣條枝冠角
 我足翅岐岐尋喬木而上綴從蔓草而下垂戢翼鷹
 峙延頸鵠望推翳徐翹舉斧高抗鳥伏蛇騰鶴擊隼
 放俯飛蟬而奮猛臨螭蛄而逞壯距車輪而軒翥固
 齊侯之所尚乃有翩翩黃雀舉翮高揮連翔枝榦或
 鳴或飛覩茲螬蛸將以療飢厲嘴脅翼其往如歸
贊 晉郭璞螬蛸贊曰螬蛸飛蟲揮斧奮臂當轍不迴
 可踐不避勇士致斃厲之以義

○蝗一 藝文類聚

爾雅曰食苗心曰螟食葉曰螻食根曰蝻食節曰賊

四者蝗 說文曰螟蝻也 廣雅曰蝻蝗也 毛詩

曰去其螟螻及其蝻賊毛詩義疏曰赤螻蝗也許慎

曰使乞貸則生螻舊說螟螻蝻賊一種蟲也如言寇

賊姦宄内外言之耳故犍為文學曰此四種蟲皆蝗

也實不同故分別釋之又曰蝗也今謂蝗子為蝻一

名蠶蝻兗州人謂之螻蔡伯喈曰蝗螻也當為災則

生故水處澤中數百或數十里一朝蔽地而食禾粟

苗盡復移雖自有種其為災云是魚子在水中化為

之 穀梁傳曰雨蝻于宋外災不書此何書災甚也

奈何茅茨盡也 洪範五行傳曰春秋之蝻者蟲災

也以刑罰暴虐貪叨無厭興師動眾蟲為害矣雨蝻

于宋是時宋公暴虐刑重賦歛無已故應是而雨蝻

又曰介蟲有甲能蜚揚之類陽氣所生於春秋為

蝻今謂之蝗皆其類也旱氣動象至矣故曰有介蟲

之孽也 京房易傳曰德無節蟲食菜 春秋佐助

期曰蝻之為蟲赤頭甲身而翼飛行陰中陽也蝻之

為言眾暴眾也 春秋合孽曰蝗起於貪蝻者飛而

甲為害故天雨蝻則刑法醜 呂氏春秋曰匡章孟

孟 卷二百 三

子弟子謂惠子於魏王之前曰蝗螟農夫得而殺之
奚故爲其害稼也蔽天狀如嚴雪是歲天下失瓜瓠
論衡曰世稱南陽卓公爲緱氏令蝗蟲不入界蓋
以賢明至誠災蟲不入其縣 典論曰議郎馬融以
永興中帝獵廣城融從是時北州遭水潦蝗蟲融撰
上林頌以諷 漢書曰武帝元光五年秋蝗四將征
南越元封六年秋蝗兩將征朝鮮太初元年夏蝗從
東方飛至燉煌三年秋復蝗貳師征大宛征和三年
蝗四年夏蝗三將征匈奴貳師七萬人沒不還 五
行志曰劉歆以爲蜚負螽也性不食穀食穀爲災介

蟲之孽 又曰嚴延年爲河南太守多殺害時黃霸
在潁川鳳皇下而河南界中又有蝗蟲延年曰此蝗
豈鳳皇食耶 又曰王莽地節三年夏蝗從東方來
飛蔽天至長安入未央宮緣殿 東觀漢記曰馬援
爲武陵太守郡連有蝗蟲穀價貴援奏罷鹽官振貧
羸薄賦稅蝗蟲飛入海化爲魚蝦 又曰永初七年
郡國蝗飛過 又曰宋均爲九江太守建武中山陽
楚郡多蝗蜚南到九江輒東西別去由是名稱 又
曰司部災蝗臺召三府驅之司空掾梁福曰普天之
下莫非王土不審使臣驅蝗何之災蝗當以德消不

聞驅逐時號福爲直掾 謝承後漢書曰吳郡徐栩爲小黃令時陳留遭蝗過小黃飛逝不集刺史行部責栩不治栩棄官蝗應聲而至刺史謝令還寺舍蝗卽皆去 又曰謝夷吾爲壽張令是時蝗食五穀野無生草過壽張界飛逝不集 又曰許季長爲湖令州郡皆被蝗災過湖縣飛去不入 續漢書曰和帝永元四年蝗八年五月河內陳留蝗九月京師蝗九年蝗從夏至秋先是西羌數反遣將軍將北軍五校征之安帝永初四年夏蝗是時西羌寇亂軍衆征距連十餘年五年夏九州蝗六年三月去年蝗處復蝗

子生七年二月郡國蝗順帝永建五年郡國十二蝗是時鮮卑寇朔方用衆征之永和七年偃師蝗去年冬烏桓寇沙南用衆征之桓帝永興元年七月郡國三十二蝗是時梁冀執政無謀慮苟貪作虐二年六月京都蝗永壽三年六月京都蝗延熹元年五月京都蝗靈帝嘉平六年夏七州蝗鮮卑前後三十餘犯塞是歲獲烏桓校尉夏育破鮮卑中郎將田晏使匈奴中郎將威旻討鮮卑大司農給用不足畝歛郡國以給軍糧三將無功還者少半光和元年詔策問曰連年蝗蟲至貪苟之所致也是時百官遷徙皆私上

種西園少帝興平元年夏大蝗是時天下大亂 魏志曰廣初三年七月冀州大蝗民饑使尚書杜畿持節開倉廩以賑之 吳書曰袁術在壽春穀石百餘萬載金錢之市求糴市無米而棄錢去百姓饑窮以桑椹蝗蟲爲乾飯 晉令曰常以蝗向生時各部吏按行境界行其所由勒生苗之內皆令周徧 晉陽秋曰司冀青雍蝗茅草皆盡石勒與蝗競取民禾百姓謂之胡蝗 趙書曰石勒十四年五月飛蝗穿地而生二十日化如蠶七八日作蟲四日則飛周徧河朔百草無遺唯不食三豆及麻 涼記曰涼王呂光

麟嘉二年以沮渠羅仇爲西寧太守往年蝗蟲所到之處產子地中是月盡生或一頃二頃覆地跳躍宿昔變異王乃躬臨撲蟲幸揚州濠水北大駕所到蟲尋殮盡是以麥苗損耗無幾 廣州先賢傳曰黃豪交趾人除外黃令豪均已節儉麤衣蔬食所得俸秩悉賜貧民一縣稱平當時鄰縣蝗蟲爲災而獨外黃無有歲皆豐熟民先流移者悉歸附之 會稽典錄曰鄭弘爲鄴令永平十五年蝗發泰山郡國被害過鄴不集郡以狀上詔書以爲不然自朕治京師尚不能攘蝗鄴令何人而令消弭遣按驗之 陳留耆舊

傳曰高慎敦厚少華子式至孝常盡力供養永初中
緣蝗爲災獨不食式麥園令周強以表州郡 益部
耆舊傳曰任昉蜀郡成都人父修字伯慶爲固始侯
相天下大蝗獨不入界 又傳曰楊琳爲茂陵令比
縣連歲蝗災曲折不入茂陵 先賢行狀曰公沙穆
爲魯相時有蝗災穆躬露坐界上蝗積疆畔不爲害
師覺授孝子傳曰魏連事父至孝和帝時拜昌邑
令百姓不忍欺大蝗連熟 搜神記曰何敞吳郡人
少好道藝隱居重以大旱民物憔悴太守慶洪遣戶
曹掾致謁奉印綬煩守無錫敞不受退歎而言曰郡

界有災安能得懷道因跋涉之縣駐明星屋中蝗蝻
消死敞卽遁去後舉方正博士皆不就卒於家

蝗二帖白

捕使者 漢平時蝗詔使者捕蝗人能隨督郵 後漢戴

華令汝穎有蝗災不入西華界督郵避境 魯恭爲中

行縣忽大至督郵其日去蝗亦隨去 避境 牟令飛蝗

境赴海 詳類 責已 公沙穆爲弘農令時多蝗蟲乃設

之去官 徐栩事 害田 無害我 免稅 蟲損免稅 田租有

神 秉昇 昆蟲無作 天災流行 百勝時作 介蟲

敗穀 稻蟹不遺 種國 蟲螟爲害 蟲蝗爲災 昆

蟲之災

何禎踐曰凡二日蝗生此謂見其始生知其處所
可得言初上蝗事云縣及下部各不早見至今生翅
能飛巨輒躬親撲滅又云布在及下部各不早見至
一項田中往往十步五步一頭按其言事蝗之數枚
數可得而知也

書魏應璩與西陽令孔德琰書曰嘉麥禎祥唯日未
久不圖飛蝗一旦至止知恤蒸庶念存良苗親發赫
斯爰整其旅給背之叟皓首之嫠莫不負戈奔走于
道路旌表曜於白日鼃鼃震於雷動以此掃敵必將
席捲况於微蟲能無驚駭卓茂治密恭在中牟時雖

有災未若斯勤亦猶子賤鳴琴巫馬出入勞逸有殊
立功惟一重雲比興不降靈雨麗此二災憂心忡悒
逐蝗之道謹聞教矣不審致禳將以何物文王修德
以厭地震湯禱桑林致克豐雨宜修善政以慰民望

○螟藝文類聚

爾雅曰食苗心曰螟 說文曰螟蟲食穀心吏冥冥
犯法卽生螟 禮記曰仲春行夏令則蟲螟爲害

左傳曰哀十二年螟十三年螟 京房易傳曰孽惡
生孽蟲食苗心 春秋含孳曰螟應苛剋 呂氏春
秋曰亂國之妖有螟集其地其音凶凶 漢書曰劉

歆以爲螻蛄蚘之有翼食穀爲災黑青也董仲舒劉
向以爲螻蛄始生也是時初稅畝亂先王之制故應
是而螻生屬羸蟲之孽 東觀漢記曰魯恭爲中牟
令時郡國螟傷稼犬牙緣界不入中牟河南尹袁安
聞之疑其不實使仁恕掾肥親往察之

詳縣令

○蟲藝文類聚

爾雅曰食苗根曰蝻 說文曰蝻食苗根者也吏抵
冒取民財則生蝻 京房易傳曰妖害忠孝蝻食苗
根 毛詩義疏曰蝻長而細或說云蝻螻蛄也食苗
根而爲人患

○賊藝文類聚

爾雅曰食苗節曰賊 京房易傳曰王者與諸侯爭
蟲食苗節莖

○蟻藝文類聚

洪範五行傳曰蟻射人者也生於南越地南方謂之
短狐者也 毛詩曰爲鬼爲蟻則不可測注云其物
不可見蓋氣精也南越夷狄淫佚處也其蟻生水澤
地多婦人其淫色爲主故南越多蟻者淫女惑亂之
所生也故聖人名之曰蟻蟻者猶惑也

唐類自卷二百終

終

國家圖書館, NATIONAL CENTRAL LIBRARY, TAIWAN, R.O.C.